

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- 1 प्रधानमंत्री नरेंद्र मोदी होर लोकसभा च राष्ट्रपति हुंदे अभिभाषण पर धन्नवाद प्रस्ताव पर परता देआ रदे न।
- 2 गृह मंत्री होरें उच्च स्तह दी बैठक च जम्मू-कश्मीर दी सुरक्षा स्थिति दा जायजा लैता।
- 3 केंद्री बजट च जम्मू-कश्मीर च रेलवे गी बढ़ावा देने आस्तै 844 करोड़ रपे दा प्रावधान कीता गेआ ऐ। 4 प्रमुख स्टेशनें गी अमृत स्टेशन दे तौरा पर विकसित कीता जाग, आखेआ रेलवे मंत्री होरें।
- 4 सेहत मंत्री स्कीना इतू होरें कैंसर बारें जागरूकता पैदा करने ते एहदी दिक्खभाल प्रति सरकार दी बचनबद्धता गी फी पक्का कीता।
- 5 जनजातीय मामलें दे मंत्री जावेद राणा होरें जम्मू-कश्मीर च जनजातीय समुदाय दे सामाजिक ते आर्थिक विकास लेई ठोस जत्नें पर पाया।

<><><><><><>

PM-LS Reply

प्रधानमंत्री नरेंद्र मोदी होर लोकसभा च राष्ट्रपति हुंदे अभिभाषण पर धन्नवाद प्रस्ताव पर परता दिता। उनें आखेआ जे राष्ट्रपति हुंदा अभिभाषण विकसित भारत दा आह्वान हा। उनें आखेआ।

इस मौके पर बोलदे होई प्रधानमंत्री होरें सरकार दिएं उपलब्धिएं गी उजागर कीता। उनें आखेआ जे गरीबें गी 4 करोड़ घर दिते गए ते 12 करोड़ थवां मते शौचालय बनाए गए। इनें बुनियादी सहूलतें थवां पैहले वंचित हे ते उनेंगी हून एह सहूलतां थोइयां न। उनें विश्वास जाहिर कीता जे इनें जत्नें कन्नें मुख्य दा भविक्ख मजबूत होग ते आम लोक सशक्त होडन। जम्मू-कश्मीर बारें बोलदे होई प्रधानमंत्री होरें आखेआ जे सरकार नै उत्थुआं 370 दी दिवार ढाई दिती दी ऐ।

<><><><><><>

HM-Security

केंद्री गृह मंत्री अमित शाह होरें अज्ज नमीं दिल्ली च इक्क उच्च सतह दी बैठक च जम्मू-कश्मीर दी सुरक्षा दी स्थिति दा जायजा लैता। उपराज्यपाल मनोज सिन्हा होर बी इस बैठक च मौजूद हे। सेना दे उच्च अधिकारिणं, जम्मू-कश्मीर पुलिस ते नीम फौजी बलें अमित शाह होरेंगी जम्मू-कश्मीर दी स्थिति बारे जानकारी देने दे अलावा आतंकवादिएं खलाफ छेड़े गेदे अभियानें बारें बी दस्सेआ। गृह मंत्री होरें सब्बनें सुरक्षा एजेंसिएं गी आपूं च तालमेल बनाइयै कम्म करने लेई आखेआ तां जे जम्मू-कश्मीर थवां आतंकवाद खतम कीता जाई सकै।

<><><><><><>

Railway Budget

केंद्री रेल मंत्री अश्विनी वैष्णव होरें जानकारी दिती ऐ जे जम्मू-कश्मीर च रेलवे सरबन्धी बुनियादी ढांचे ते विकास परियोजनाएं लेई बजट च 844 करोड़ रपे बक्ख रक्खे गेन जेदे कन्नै खिते च राबते गी बदाया जाग ते एह रेलवे सरबन्धी बुनियादी ढांचे दे विकास प्रति सरकार दी प्रतिबद्धता गी दर्शादा ऐ। वैष्णव होरें एह बी दस्सेआ जे बडगाम, जम्मू तवी, कटड़ा ते उधमपुर जनेह चार प्रमुख रेलवे स्टेशनें गी कुल 292.5 करोड़ रुपें दी लागत कन्नै अमृत स्टेशनें दे रूपै च विकसित कीता जा'रदा ऐ जेदे कन्नै यात्रुं दी सहूलतें ते स्टेशनें दे बुनियादी ढांचे गी बदाया जा'रदा ऐ। एहदे अलावा रेल मंत्री होरें एह घोषणा बी कीती जे कश्मीर आस्तै रेल गड्डियें आस्तै तिजारती संचालन तौले गै शुरू कीता जाग। इस मौके पर रेल मंत्री होरें आखेआ।

<><><><><><>

Watershed-Yatra

पानी दे टिकाऊ प्रबंधन बक्खी इक महत्वपूर्ण गैह दे तौरा पर भारत सरकार, इक वाटर शेड यात्रा दी शुरूआत करने जा'रदी ऐ जेदा मकसद प्रधानमंत्री कृषि, सिंचाई योजना दे दुए गेड तैहत मुख्य भरै च बड्डे पैमाने पर जागरूकता पैदा करना ऐ। इस अभियान दी शुरूआत कल कीती जाग, राश्ट्रीय स्तर पर राईबाई ते ग्रामीण विकास मंत्री शिवराज सिंह चौहान होर एहदी शुरूआत करंगन जेदा जम्मू-कश्मीर सने समूलचे मुख्यै च वर्चुअल प्रसारण बी कीता जाग। जम्मू-कश्मीर च एहदा कन्नोकन्नी उद्घाटन इत्थूं दे ग्रामीण विकास मंत्री जावेद अहमद डार होर करंगन। जागरूकता ते प्रचार लेई इक वाटर शेड जातरा वैन चलाई जाग जेड़ी भलेआं अज्जै-कल्लै दे डिजिटल उपकरणें कन्नै लैस हाग ते समूलचे जम्मू-कश्मीर च 2 ज्हार 400 किलोमीटर दा सफर तैह करदे होई घट्टोघट्ट 5 लक्ख लोकें तगर पुज्जोग, उन्दे कन्नै गलबात करोग, कार्जशालाएं दा सरिस्ता करोग। समुदायिक गतिविधिएं दा आयोजन करियै लोकें गी दिलचस्प ढंगगे नै जागरूक बनाया जाग। एह अभियान पैहली मार्च 2025 गी जम्मू च खतम होग। इस दौरान जल संरक्षण, मिट्टी दे नरोएपन ते बरखा दे पानी गी जमा करियै रखने बारे बी जागरूकता फैलाई जाग।

<><><><><><>

ते हुन बाकि दिएं खबरें कन्नै श्रुति खजूरिया।

Sakina Cancer Day

विश्व कैंसर दिवस दे सरबंध्य च आयोजित इक कांफ्रेंस च सेहत मंत्री सकीना इतू होरें आखेआ जे सरकार कैंसर खिलाफ लड़ाई ते जम्मू-कश्मीर च बेहतर सेहत सुविधां उपलब्ध करोआने लेई बचनबद्ध ऐ। जम्मू च आयोजित कांफ्रेंस च उनें इस बारें जागरूकता पैदा करने, बमारी दा तौले पता लाने ते इलाज सरबंध्यी सहूलतें पर जोर पाया। उनें कैंसर खिलाफ लड़ाई च सब्बनें दे सांझे जत्नें पर लौऽ पाई। उनें प्रभावित मरीजें लेई बेहतर सेहत स्थूलत ते ढांचे गी मजबूत करने पर जोर पाया। उनें आखेआ।

<><><><><><>

Rana-Tribals

जनजातीय मामलें दे मंत्री जावेद राणा होरें जम्मू-कश्मीर च आदिवासी समुदायें दे सामाजिक आर्थिक स्तर गी उबड़ा चुक्कने आस्तै ठोस प्रस्तावें दी लोड़ पर जोर दिता। सिविल सचिवालय च इक बैठक दी प्रधानता करदे होई राणा होरें सतत विकास, सांस्कृतिक संरक्षण ते सशक्तिकरण पर जोर दिता। उनें सारे आदिवासी ग्राएं च धरती आभा कार्यक्रम दा विस्ता करने ते सामाजिक बुनियादी ढांचे, स्वास्थ्य सेवा ते शिक्षा च कमियें गी दूर करने पर बी जोर दिता। मंत्री होरें होस्टल, एकलव्य, आदर्श आवासीय स्कूलें ते प्रधानमंत्री आदर्श ग्राम योजना दी बी समीक्षा कीती। उनें आह्वान कीता जे फंड दा तौले इस्तेमाल ते परियोजनाएं गी समेंसिर पूरा कीता जा।

<><><><><><>

Badhaal-Development

राजौरी जिले दे बडहाल गांऽ थवां रहस्यमयी बमारी कन्नै प्रभावित किश लोक, जेड़े जीएमसी राजौरी च भर्थी हे, उंदी तबीयत च सुधार होने मगरा जनरल वार्ड च शिफ्ट करी दिता गेआ ऐ। जीएमसी राजौरी दे सुप्रीटेंडेंट डॉ. शमीम अहमद होरें मरीजें दी तबीयत च बेहतरी दी पुष्टि कीती ऐ। उनें आखेआ जे त्रौणें मरीजें दी हालत हुन स्थिर ऐ ते ओह ठीक होआ‘रदे न। इस बारें होर जानकारी स्हाड़े जिला संवाददाता थवा।

<><><><><><>

दीर्घकालिक उर्जा दी बक्खी इक्क महत्वपूर्ण गैं चुक्कदे होई जम्मू-कश्मीर च लोक हून पी.एम सूर्य घर मुफ्त बिजली योजना दा विकल्प चुना करदे न ते एहदे फायदें दा लाह लै'रदे न। एह योजना जेड़ी सौर उर्जा कन्नै चलने आहली प्रणालियें दे राहें मुफ्त बिजली प्रदान करदी ऐ, परोआरें गी पारम्परिक बिजली स्रोतें पर अपनी निर्भरता घट्ट करने ते बिजली बिलें च कटौती करने च मदद करा करदी ऐ। बधदी हिस्सेदारी दे कन्नै एह पैहल अक्षय उर्जा गी बढ़ावा देआ करदी ऐ ते पर्यावरण दे अनुकूल समाधान पेश करा'रदी ऐ। कन्नै गैं इक्क हरा-भरा, मते टिकाऊ उर्जा भविष्य आस्तै सरकार दी कोशशें दा बी समर्थन करा करदी ऐ। इक्क उपभोक्ता जिनेंगी इस योजना कन्नै लाह थोआ रदा ऐ, नै आखेआ।

<><><><><><>

Weather

जम्मू-कश्मीर च 5 फरवरी यानि कल तक्कर दरम्याने दर्जे दी ताजा बर्फबारी होने दी मेद ऐ। मौसम मैहकमे नै आखेआ ऐ जे अज्ज आमतौरा पर बदल छाए रौहने दी मेद ऐ जेदे कन्नै कई खेतरे च होली शा दरम्यानी दर्जे दी बरखा ते बर्फबारी होने दी मेद ऐ। चिनाब घाटी दी उप्परली धारें च हल्की बर्फबारी होई सकदी ऐ। मैहकमे नै दस्सेआ ऐ जे जम्मू दे मैदानी इलाकें च हल्की बरखा पेई सकदी ऐ। मौसम मैहकमे मूजब मौसम च कल दपैहरी दे बाद सुधार होई सकदा ऐ ते 9 फरवरी तगर दी रातीं तगर एहदे खुशक रौहने दी मेद ऐ। मौसम अधिकारी ब्रह्मपाल होरें, होर जानकारी दिंदे होई आखेआ।

<><><><><><>